

Alls mehr Alte in die Altstadt

Also ess muss emol gesaat werrn: dess Flerschem werdd ewe gonz schee frequendiert. Merr kann onn de Moo kumme wonn merr will, die gonz Parkfläch vom Bootshaus bis hie zum Strohpörrtsche iss voller Audos unn die hawwe meisdens noch nitt emol MTK-Schilder. Naa, von iwverall kumme se her, laafe die Uferweeche entlang enuff unn enunner, unn ab elf Uhr moins bis in de Owend enoi sitze vill von dene uff de Terrass vom Herrsch odder vom Bootshaus, unn aach omm Woiprobier-Stond stehn unn sitze, wanner uff iss, immer enn Haufe Leit. Weil sich bis Fronkfort unn Meenz unn Wissbade erumgesproche hott: Flerschem iss schee.

Unn aach die Fluchzeuche, die iwverm Moo londe, werrn von dene Auswärdische gonz long mett de Aache verfolcht, weil se wisse wolle, was isses ferr Modell unn was isses ferr Gesellschaft, Lufthansa odder so. Weil die Leit, die von iwverall her kumme nitt nor nooch Flerschem reise, naa, die reise aach dorsch die gonz Welt. Ob die allerdings hier bei uns mettem Fluchzeuchkrach lewe wolde iss e onner Sach.

Dess selwe iss aach in de Kolonnade ze beobachte, aach dort iss immer was los, unn aach dort sieht merr Audos nitt nor vom MTK. Also kann merr saache, dass Flerschem zwaa Attraktione hott, die allerdings weit vonenonner sinn. Dezwische iss nix, iwverhaupt nix. Gut, dess oone odder onnere Geschäft iss noch doo, awwer wie long noch?

Warum ich dess saache due? Weil merr joo noch was sozesaache „in petto“ hawwe unn dess isses Axthelm-Gelände mettem Norma-Parkplatz. Ihr Leit, wenn ich mir vorstelle due, dass dess alles nor widder bebaut werdd, mett Wohnheiser unn sunnst nix, doo will ich moone, wer immer doodriwver zu bestimme hott, der soll emol nitt nor e paar Nächt driwver schloofe unn noch vill driwver noochdenke. Weil joo die Kultur-Scheier nor dann uff iss, wenn ebbes vom FAT oder von emm Gesongverein dort stattfinne dut. Unn dess Café, was dort entstehe soll, kann koon Flerschemer unn aach koon Auswärdische besonnens oolocke. Ich denk merr also, so long dort noch nix bebaut iss, kennt merr doch noch gut iwverleeche, ob nitt dort so enn Stadtmittelpunkt entstehe kennt wie in Hadderschem, mett emm Parkplatz, mett Lokale, vor dene merr uff de Gass sitze, sich treffe, enn Kaffee odder enn Woi trinke unn sich unnerhallte kann. Mettem Platz in de Mitt, wo enn Springbrunne plätschert, wo Strooßetheater stattfinne unn Musikgruppe spille kenne. Dess alles det aach die Wickerer Strooß belewe helfe, doo dete die oone Geschäfte doobleiwe unn noch e paar onnern dezukumme.

Awwer naa, Mehrgeneratione-Heiser wolle se baue. Alls mehr Alte in die Altstadt, wo merr doch genuch von dene zwische Bohn unn Moo hawwe. Unn immer mehr Leit solle in de Altstadt wohne, die dort nix als wohne kenne, weil se nix in de Näh hawwe wo se oikaafe odder sitze unn schwätze kenne. Unn ich habbs schunn emol gesaat, von de Altstadt bis in die Kolonnade iss ferr leicht Behinderte unn Rollatorfahrer enn weide Weech unn nit all von dene wolle unner de Bohn dorsch, weil se Ängst devor hawwe.

Ich heer jetz schunn, die Plän sinn all schunn ferdisch, warum host du unn die Flerschemer, warum habt ihr vorher nix gesaat? Erstdens emol sinn merr nitt gefroocht worrn unn zweidens so ooner wie ich hott dess schunn vor John gesaat unn geschriwwe. Awwer uff mich heert joo kooner.

Odder dissmol doch? Dess det mich wunnern.

Eiern Honnes

ebb_248_552563125_3962967321.DOC